

## საქართველოს იუსტიციის მინისტრის

ბრძანება №234

2009 წლის 28 დეკემბერი

ქ. თბილისი

### მოვალეთა რეესტრის წარმოების წესის დამტკიცების შესახებ

„სააღსრულებო წარმოებათა შესახებ“ საქართველოს კანონის 19<sup>1</sup> მუხლის მე-2 პუნქტის საფუძველზე, ვბრძანებ:

1. დამტკიცდეს მოვალეთა რეესტრის წარმოების თანდართული წესი.
2. ბრძანება ამოქმედდეს 2010 წლის 1 იანვრიდან.

#### ზ. ადვიშვილი

#### შეტანილი ცვლილებები:

1. [საქართველოს იუსტიციის მინისტრის 2010 წლის 7 აპრილის ბრძანება №83-სსმ III, №36, 07.04.2010წ; მუხ.601](#)
2. [საქართველოს იუსტიციის მინისტრის 2011 წლის 17 იანვრის ბრძანება №14 - ვებგვერდი, 17.01.2011 წ](#)
3. [საქართველოს იუსტიციის მინისტრის 2011 წლის 1 ივლისის ბრძანება №83 - ვებგვერდი, 01.07.2011 წ.](#)

დანართი

### მოვალეთა რეესტრის წარმოების წესი

#### მუხლი 1. მოვალეთა რეესტრი

1. მოვალეთა რეესტრი (შემდგომში – რეესტრი) არის ფულადი მოთხოვნის აღსრულების უზრუნველყოფამდე წარმოებული საშუალება – სისტემატიზებული ელექტრონული ერთობლიობა მონაცემებისა იმ ფიზიკურ და იურიდიულ პირთა და სხვა ორგანიზაციულ წარმონაქმნთა შესახებ, რომელთა მიმართაც აღსრულება დაიწყო 2010 წლის 1 იანვრიდან, გარდა სახელმწიფო ხელისუფლების და ადგილობრივი თვითმმართველობის ორგანოებისა და უზრუნველყოფილი მოთხოვნის მოვალისა. პირი მოვალეთა რეესტრში შეიტანება დაუყოვნებლივ მას შემდეგ, რაც მის წინააღმდეგ დაიწყება სააღსრულებო წარმოება.

1<sup>1</sup>. იმ პირის მოვალეთა რეესტრში რეგისტრაცია, რომლის მიმართაც აღსრულება დაიწყო 2010 წლის 1 იანვრამდე, შესაძლებელია განხორციელდეს აღსრულების ეროვნული ბიუროს ინიციატივით.

2. რეესტრში რეგისტრაცია არ ათავისუფლებს პირს ფულადი გადახდევინების აღსრულებისაგან და მასზე აღსრულების დასრულებამდე ვრცელდება კანონით დადგენილი უფლებრივი შეზღუდვები.

[საქართველოს იუსტიციის მინისტრის 2010 წლის 7 აპრილის ბრძანება №83-სსმ III, №36, 07.04.2010წ; მუხ.601](#)

[საქართველოს იუსტიციის მინისტრის 2011 წლის 17 იანვრის ბრძანება №14 - ვებგვერდი, 17.01.2011 წ](#)

#### მუხლი 2. რეესტრის წარმოების მიზანი

რეესტრის წარმოების მიზანია იძულებითი აღსრულების ღონისძიებების ეფექტურობის ხარისხის გაზრდა, კანონით დადგენილ ფარგლებში აღსრულების პროცესის საჯაროობის უზრუნველყოფა, კერძო სამართლებრივი ურთიერთობებისა შესაძლო რისკების შემცირების ხელშეწყობა და პოტენციურ პარტნიორთა საიმედოობის დამატებითი გარანტიების შექმნა.

#### მუხლი 3. რეესტრის წარმოება

1. რეესტრს აწარმოებს საქართველოს იუსტიციის სამინისტროს მმართველობის სფეროში შემავალი საჯარო სამართლის იურიდიული პირი – აღსრულების ეროვნული ბიურო (შემდგომში – აღსრულების ეროვნული ბიურო).

2. რეესტრის მონაცემები საჯაროა და აღსრულების ეროვნული ბიურო უზრუნველყოფს რეესტრის მონაცემების მუდმივ განახლებას და ხელმისაწვდომობას კანონით განსაზღვრული დაწესებულებებისა და სხვა პირებისათვის.

3. რეესტრში მოვალის შესახებ მონაცემების რეგისტრაცია, კანონით განსაზღვრული საფუძველებით, ხორციელდება აღსრულების ეროვნული ბიუროს აღმასრულებლების მიერ. რეესტრიდან პირის ამორიცხვა ხორციელდება აღსრულების ეროვნული ბიუროს აღმასრულებლების მიერ. კერძო აღმასრულებლები მათ წარმოებაში არსებულ საქმეებზე უშუალოდ ახორციელებენ მოვალის მონაცემების რეესტრში რეგისტრაციას და რეესტრიდან პირის ამორიცხვას.

4. რეესტრის წარმოებას უზრუნველყოფს და მასში მონაცემების რეგისტრაციაზე ზედამხედველობას ახორციელებს (პასუხისმგებელია) აღსრულების ეროვნული ბიუროს შესაბამისი სტრუქტურული ერთეული. რეესტრის წარმოებაზე, მის წარმოებაში არსებულ საქმეებთან დაკავშირებით, პასუხისმგებელია აგრეთვე კერძო აღმასრულებელი.

5. რეესტრის წარმოება ერთიანია, დაუშვებელია აღმასრულებელთა მიერ ინდივიდუალური რეესტრების წარმოება.

6. რეესტრში არასწორი მონაცემების რეგისტრაციაზე პასუხისმგებელია ასეთი მონაცემების



მარეგისტრირებული ადსრულების ეროვნული ბიუროს ადმსრულებელი. კერძო ადმსრულებლის მიერ რეგისტრირებულ მონაცემებზე პასუხისმგებელია კერძო ადმსრულებელი. სარეგისტრაციოდ წარმოდგენილი ან უკვე რეგისტრირებული მონაცემები ეჭვის არსებობის შემთხვევაში ექვემდებარება ადსრულების ეროვნული ბიუროს შესაბამისი სტრუქტურული ერთეულის მიერ დაუყოვნებლივ გადამოწმებას.

7. რეესტრის წარმოება ხორციელდება ელექტრონული საშუალებების გამოყენებით.

8. რეესტრში მოვალის შესახებ მონაცემების რეგისტრაცია/რეესტრიდან პირის ამორიცხვა ხორციელდება კანონით დადგენილი საფუძვლების წარმოშობისას, იმავე სამუშაო დღეს.

9. (ამოღებულია - 01.07.11 №83).

[საქართველოს იუსტიციის მინისტრის 2010 წლის 7 აპრილის ბრძანება №83-სსმ III, №36, 07.04.2010წ; მუხ.601](#)

[საქართველოს იუსტიციის მინისტრის 2011 წლის 17 იანვრის ბრძანება №14 - ვებგვერდი, 17.01.2011 წ](#)

[საქართველოს იუსტიციის მინისტრის 2011 წლის 1 ივლისის ბრძანება №83 - ვებგვერდი, 01.07.2011 წ.](#)

#### **მუხლი 4. რეესტრის რეკვიზიტები**

1. რეესტრში რეგისტრირებული მონაცემები მოვალის შესახებ უნდა შეიცავდეს შემდეგ რეკვიზიტებს:

ა) რეგისტრაციის რიგითი ნომერი და თარიღი;

ბ) მოვალის სრული დასახელება, მისამართი, საიდენტიფიკაციო ან პირადი ნომერი;

გ) სააღსრულებო წარმოების სარეგისტრაციო ნომერი და თარიღი;

დ) რეესტრში მოვალის შესახებ მონაცემების რეგისტრაციის ან რეესტრიდან პირის ამორიცხვის საფუძველი; მონაცემების მარეგისტრირებელი პირი – ადსრულების ეროვნული ბიუროს ადმსრულებელი, მისი რეკვიზიტები; კერძო ადმსრულებელი, მისი რეკვიზიტები;

ე) (ამოღებულია);

ვ) მოვალის შესახებ დამატებითი ინფორმაცია (ასეთის არსებობის შემთხვევაში).

2. ერთი და იმავე მოვალის მიმართ რამდენიმე დამოუკიდებელი ფულადი მოთხოვნის (რამდენიმე სააღსრულებო წარმოების) ადსრულებისას, პირი კანონით დადგენილი პირობებით და ამ წესის შესაბამისად, რეესტრში რეგისტრაციას ექვემდებარება თითოეული მოთხოვნისათვის ცალ-ცალკე.

[საქართველოს იუსტიციის მინისტრის 2010 წლის 7 აპრილის ბრძანება №83-სსმ III, №36, 07.04.2010წ; მუხ.601](#)

[საქართველოს იუსტიციის მინისტრის 2011 წლის 17 იანვრის ბრძანება №14 - ვებგვერდი, 17.01.2011 წ](#)

#### **მუხლი 5. რეესტრიდან შესაბამისი ცნობისა და ამონაწერის გაცემა**

1. ცნობისა და ამონაწერის მიღებით დაინტერესებული პირებისათვის, საამისოდ უფლებამოსილი პირები უზრუნველყოფენ რეესტრის მონაცემების საფუძველზე ამონაწერების და შესაბამისი ცნობების გაცემას განცხადების წარდგენიდან არა უგვიანეს მომდევნო სამუშაო დღისა.

2. რეესტრიდან შესაბამისი ცნობისა და ამონაწერის მისაღებად აუცილებელი განცხადების, ასევე გასაცემი ამონაწერის ფორმებს ადგენს ადსრულების ეროვნული ბიუროს თავმჯდომარე.

3. რეესტრიდან ამონაწერი და შესაბამისი ცნობა გაიცემა კანონით დადგენილი საფასურის წინასწარ გადახდისა (ადსრულების ეროვნული ბიუროს ანგარიშზე შეტანა) და დაინტერესებული პირის განცხადების საფუძველზე.

4. ამონაწერი მზადდება რეესტრის მონაცემთა ერთიანი ბანკის საფუძველზე და ასახავს მისი მომზადების მომენტისთვის რეესტრში არსებულ ძალაში მყოფ მონაცემებს. ცნობა მზადდება რეესტრის მონაცემთა ერთიანი ბანკის საფუძველზე და მოთხოვნის შესაბამისად ასახავს მისი მომზადების მომენტისთვის რეესტრში არსებულ მონაცემებს.

5. რეესტრიდან ამონაწერისა და შესაბამისი ცნობის მისაღებად დაწესებული საფასურის განაკვეთია თითოეულისთვის 10 ლარი. საფასური არის კანონით დადგენილი სავალდებულო გადასახდელი (დამატებული ღირებულების გადასახადის ჩათვლით).

6. რეესტრიდან ამონაწერი და ცნობა წარმოადგენს მართვის ავტომატური სისტემით შექმნილ დოკუმენტს და გაიცემა მართვის ავტომატური სისტემის საშუალებით. ამონაწერი და ცნობა დამატებით (ბეჭდითა და ხელმოწერით) დამოწმებას არ საჭიროებს.

7. დაინტერესებული პირის განცხადება რეესტრიდან ამონაწერისა და შესაბამისი ცნობის მიღების თაობაზე უნდა შეიცავდეს:

ა) დაინტერესებული პირის შემდეგ რეკვიზიტებს: დასახელება, პირადი ან საიდენტიფიკაციო ნომერი, მისამართი, საკონტაქტო მონაცემები;

ბ) იმ პირის შემდეგ რეკვიზიტებს, რომელზეც მოთხოვნილია ამონაწერი ან ცნობა: ზუსტი დასახელება, პირადი ან საიდენტიფიკაციო ნომერი და მისამართი, ხოლო ცნობის შემთხვევაში – ასევე დაინტერესებული პირისათვის ცნობილი სხვა ინფორმაცია;

გ) ცნობის მიღების შემთხვევაში – მოთხოვნას რეესტრში პირზე არსებული მონაცემების მიღების ან მონაცემების არარსებობის დადასტურების შესახებ.

8. რეესტრიდან ამონაწერის ან შესაბამისი ცნობის მიღების შესახებ განცხადების წარდგენა შესაძლებელია ადსრულების ეროვნული ბიუროს ტერიტორიულ ორგანოებში – სააღსრულებო ბიუროებში ან ადსრულების ეროვნული ბიუროს ვებგვერდის მეშვეობით ([www.nbe.gov.ge](http://www.nbe.gov.ge)).

[საქართველოს იუსტიციის მინისტრის 2011 წლის 17 იანვრის ბრძანება №14 - ვებგვერდი, 17.01.2011 წ](#)

#### **მუხლი 6. რეესტრის მონაცემების დაცვა და შენახვა**

1. რეესტრის მონაცემები ელექტრონული მატარებლების სახით ექვემდებარება მუდმივ შენახვას.

2. რეესტრის მონაცემების დაცვას, შენახვას და საქართველოს კანონმდებლობის შესაბამისად გამოყენებას უზრუნველყოფს ადსრულების ეროვნული ბიურო.

